

INUIT ATAQATIGIIT INATSIARTUNI



UPA2024/158
Majip 22-at 2024
Harald Bianco

Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 3/2023-mik Inatsisartut ilaliinissaannik siunnersuut:

Nunat Avannarliit Killiit Siunnersuisoqatigiiffiata Savalimmiuni, Kalaallit Nunanni Islandimilu naalakkersuisunut kaammattuutigaa

- nunani avannarlerni killerni avatangiisinut naalakkersuisut 2024-mi ataatsimeeqatigiissasut

- nunani avannarlerni killerni avatangiisinut naalakkersuisut nerisassanik maangaannartitsisarnerup annikillisinneqarnissaanut nunat ileqqorisaannut tunngatillugu misilittakkanik avitseqatigiissasut

- nunani avannarlerni killerni avatangiisinut naalakkersuisut nerisassanik maangaannartitsisarnerup annikillisinneqarnissaanut suliniutaasut eqqartussagaat taamaalillutillu Nunani avannarlerni inuussutissanik pilersuinerup isumannaatsuunerulernissaanut ikiuutaallutik.

(Aallartitat siulittaasuat Doris J. Jensen)

Siullermik aallartitat siulittaasuannut Inatsisartuini Ilaasortaq Doris Jakobsen Jensen-imut Inatsisartuni ilaliinisaamut siunnersuutaanut Inui Ataqatigiinnit qujavugut. Taamatullu Naalakkersuisut akissuteqaataannut qujanaq.

Nerisassat maangaannartinneqartarnerat taakkulu assigiinngitsutigut sunniutigisarta-gaasa kingunerisartagaasalu pitsaanngitsut sapinngisamik pinngitsoortinneqarsinnaa-nerannik suliniutaasinnaasut suulluunniit Inuit Ataqatigiinit isumaqataaffigaarput.

Nunatsinni imminut pilersornissami periusissiami ajornartorsiutit taakkartorneqartut ukkatarineqartussanngormata Inuit Ataqatigiinit iluarisimaarparput. Ilaatigut eqqagas-sanngortut qanoq atorneaqqissinnanerat kaaviiartumik isumalluutinngornissaat siun-nerfigineqarpoq.

Naalakkersuisut nunatsinni imminut pilersornermi periusissiaq aqqutigalugu, ilaatigut aamma kalaalimineerniarfinni pissutit ilanngullugit, ajornartorsiutip iliuuseqarfiginissaa siunnerfigalugu suliniuteqarniarneq Inuit Ataqatigiinit iluarisimaarparput.

Ajornartorsiummut Naalakkersuisut siulliullugu nunatsinni ukkataqaqqaarusunnerat paasinarpoq, nunatsinni ajornartorsiutip itinerusumik pasisaqaqqaarfiginissaa pingaa-ruteqartoq Inuit Ataqatigiinit isumaqaratta tamanna tapersersornartipparput.

Tunngavilersuusit paasillugit, Naalakkersuisut kaammattuummot itigartitsinissamik siunnisussaqaarnerat Inuit Ataqatigiinit taperserparput.

Qujanaq.